

Euskal AEko familien batez besteko errenta 42.700 euro baino gehiago da


Euskal AEko familien erdiak urteko 34.160 eurotik gorako batez besteko errenta zuen 2009an

Eustatek Arabako, Bizkaiko eta Gipuzkoako foru-aldundiekin lankidetzan egin duen Errenta familiarraren estatistikako datuen arabera, 2009an, Euskal AEko batez besteko familia-errenta 42.729 euro ziren. Euskal AEko familien multzoaren batez besteko diru-sarrerak batez besteko errenta pertsonala 2,2 aldiz dira.

Familia-errenta, guztira, pertsona-errentak baturik lortzen da, adinez nagusi izan eta urte horretan errentaren bat jaso dutenenak. Pertsona-errentarekin bezalatsu, Gipuzkoak du familia-errentarik handiena, 43.950 euro. Bizkaia 42.191 eta Arabak 42.001.

Euskal AEko familia-errenta %10 hazi da 2006tik 2009ra. Gipuzkoan hazi da gehien, %13,6; Araban %8,8 eta Bizkaian %8,2.

Familiak, famili errentaren geruzari jarraiki, hartzaile nagusiaren sexuaren arabera. Euskal AE (%). 2009



Iturria: Eustat. Errenta pertsonal eta familiarraren estatistika

Familien %62,3k Euskal AEko batez bestekoaren azpiko errentaren bat dute, edo errentarik ez; ehuneko hori, pertsona-errentaren kasuan genuenaren bi puntuz gainetik dago. Familien %3k ez du inongo errentarik jaso 2009an. Erabat bestaldean, %9k, 74.561 familiak, batez bestekoa bi aldiz edo gehiago jasotzen dute, 85.450 euro pasa. Euskal AEko familien erdien errenta 34.160 euro baino gutxiago da.

Bestalde, familian errenta-jasotzaile nagusia gizonezkoa denean, batez besteko diru-sarrerak 46.826 euro dira eta familia gehienak geruza ertain eta goikoetan metatzen dira; jasotzaile nagusia emakumezkoa denean familiaren batez besteko errenta 35.346 euro dira eta familiak errenta-geruza behekoetan daude.

Beraz, "genero-arraila" izan bada familiaren diru-sarreretan.

Donostiak du familia-errentarik handiena, Bilbo eta Gasteiz ondoren

Donostiak du familia-errentarik handiena, 49.539 euro; Bilbok 43.119 eta Gasteizek 42.554.

Familia-errentarik handiena duen Euskal AEko udalerria Laukiz da, Bizkaian: 74.196 euro. Araban Arrazua-Ubarrundia, 61.855, eta Gipuzkoan Orendain, 54.841. Beste muturrean, familia-errentarik txikienak honakoek dituzte: Bizkaian Lanestosak (28.703 euro), Araban Lantziegok (27.531) eta Gipuzkoan Pasaiak (32.866 euro).

Familia-errentarik handiena eta txikiena duten udalerrien arteko tartea 46.660 euro baino gehiago da. Goiko muturrean Laukiz da, 2.581 euro gehiago hurrengoa baino; behekoan Lantziego, ia 820 euro gutxiago aurrekoa baino.

Eskualde mailan badira aldeak Euskal AE osatzen duten 20en artean. 8k familia-errenta handiagoa daukate erkidegoko batez bestekoa baino; haien artean, 43.000 euro baino gehiago, ondokoek: Gorbeia inguruak, Araban (49.732 euro); Plentzia-Mungia, Bizkaian (49.221) eta Debagoiena Gipuzkoan (46.834). Gainerako 12 eskualdeen familia-errentak batez bestekoaren azpitik daude; nabarmentzen dira: Enkarterriak, Bizkaian, 36.325 euro; Arabako mendialdea, 34.832, eta Errioxa, 32.656.

Informazio gehiago:

Euskal Estatistika Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helbide elektronikoa: eustat@eustat.es

Harremanetarako pertsona: Pilar Martínez Rollón

Tel.: +34-945-01 75 31 Faxa: +34-945-01 75 01.

Euskal AEko Errenta Pertsonalari eta Familia Errentari buruzko prentsa ohar gehiago

Euskal AEko Errenta Pertsonalari eta Familia Errentari buruzko datu bankua